

粵雅堂叢書

粵雅堂叢書

蘇詩補注卷第五

大興 翁方綱 學

王伯馭所藏趙昌花四首

方綱補注元遺山中州集云柳州戲題階前芍藥東坡長春如稚女及賦王伯馭所藏趙昌畫梅花黃葵芙蓉山茶四詩党承旨世傑西湖芙蓉晚菊王內翰子端獄中賦萱凡九首予請閒閒公共作一軸寫自題其後云柳州怨之愈深其辭愈緩得古詩之正其清新婉麗六朝詞人少有及者東坡愛而學之極形

似之工其怨則不能自掩也党承旨出於二家辭不足而意有餘王內翰無意追配古人而偶與之合遂爲集中第一大都柳出於雅坡以下皆有騷人之餘韻所謂生不並世俱名家者也

寄吳德仁兼簡陳季常

忽聞河東獅子吼

方綱補注餘姚盧抱經

文昭

曰此句注家引杜詩以

證河東是矣而獅子吼則不注出處案佛說長者女菴提遮獅子吼了義經云舍衛國城西有一村名曰

長提有一婆羅門名婆私膩迦有女名菴提遮佛告
舍利弗是女非凡已值無量諸佛常能說如是獅子
吼了義經此則是女人事坡詩用事細切如此與他
處泛言獅子吼者不同注中又每以河東獅子四字
連言此更誤也

書林逋詩後

方綱補注按高江村銷夏錄此詩墨蹟紙本林詩凡
五首傭奴作傭兒西臺作留臺更宵悲吟白頭曲句
下白注云司馬長卿欲娶富人女文君作白頭吟以

誚之先生臨終詩云茂陵他日求遺草猶喜曾無封
禪書蘇題云書和靖林處士詩後凡十四行小行楷
書後跋云右和靖林處士君復手書七言近體五首
蘇長公一歌推許至矣然至詩如東野不言寒書似
留臺差少肉二語便是汝南月旦何嘗少屈董狐筆
留臺者李建中也嘗分司御史臺考之集稱西臺以
偶東野尤當更稱耳始錢塘人卽孤山故廬以祀和
靖遊者病其湫隘因長公詩後有我笑吳人不好事
好作祠堂傍修竹遂徙置白香山祠與長公配迨於

今香火不絕乃其遺蹟與長公同卷價踊貴十倍太史公云伯夷叔齊得夫子而名益彰若君復者抑何其多幸也歟萬厯壬午嘉平月吳郡王世貞謹題

贈袁陟

方綱補注按袁陟字世弼號遜翁南昌人慶厯六年進士知當塗縣官至太常博士著有遜翁集卽汲引郭功甫者也邵氏補注題下已具其畧不知查注何以云不詳何許人也

鰕魚行

一 蘇詩補注卷五
三
兩雄一律盜漢家嗜好亦若肩相差

公自注莽操皆嗜鰻魚方綱按曹操嗜鰻魚注家不

言所出海寧陳竹厂

以綱

曰曹植請祭先王表先王

喜鰻臣前以表得徐州臧霸二鰻百枚足自供事

却取細書防老讀

方綱補注王半山詩細書防老讀李雁湖注引唐人
詩大書文字隄防老之句

送范純粹知慶州

查氏補原注危言甚力句下脫文云謂若復加騷動

根本可憂異時必職臣是咎甯受盡言之罪於今日
又還四若而夏人服句下脫文云拜寶文閣待制再
任入爲戶部侍郎

次韻王震

補原注王震字子發時爲給事中

惠崇春江晚景二首

萋萋滿地蘆芽短正是河豚欲上時

方綱補注王文簡漁洋詩話爾雅購蔣萋郭璞注蔣
萋萋蒿也生下田初出可啖江東用羹魚故坡詩云

魚言補注卷三
四
萋蒿滿地蘆芽短正是河豚欲上時七字非泛詠景物蓋河豚食蒿蘆則肥亦如梅聖俞之春洲生荻芽春岸飛楊花無一字汎設也

次韻胡完夫

胡完夫原作雲衲衲查刻訛袖黃崗崗訛罔

次韻錢穆父

邵氏錄原注云此注集本亦不載今補原注不如此

原注云此詩穆父再和東坡復次韻集本不載今亦編入此下原注補全於此穆父名勰吳越讓王諸孫

五歲日誦千言十三歲制舉之業成既中祕閣選廷
對入等矣會王介甫惡孔經父策罷科不得第以蔭
入官神宗召對將任以清要介甫許用爲御史穆父
謝以母老不能爲萬里行知其必不附已命權鹽鐵
判官後元祐初拜中書舍人故詩云故人飛上金鑾
殿遷給事中知開封出守越州歸從班再知開封哲
宗涖政入翰林章子厚當軸憾其疇昔謫詞有鞅鞅
非少主之臣硜硜無大臣之節二語罷知池州以卒
元符末追復龍圖閣學士又按錢穆父簡東坡原作

查注刻本第三句乍字訛添入原本作鸞皇喜口翔
西省

次韻王覲正言喜雪

查氏補錄原注言者及軾及訛攻又欲下少二字今
按蝕痕是保全二字

我方執筆待未敢書上瑞

補原注按東坡時爲起居舍人

和蔣發運

查氏補錄原注內以失書閒日報罷句失字應補目

字訛自應改正

送表弟程六知楚州

查補原注內之邵邵訛邵獨指德孺懿叔句懿訛彝
兼掌外制句訛作掌制誥

送王伯敷守虢

牀頭硯石開雲月澗底松根劖雪腴

原注米芾硯史虢石可爲硯下句注云虢有茯苓下
句注四字乃施氏語今刻本誤與硯史連屬

用定國韻贈二十姪震

方綱按二十字恐是草書其字之訛

海鹽張氏新刻查初白評本已

先見
及此

用王鞏韻送其姪震知蔡州

查刻補原注試優等優訛履章子厚章訛張

次韻黃魯直赤目

百千燈光同一如

方綱補注先生蘇程菴銘百千燈同一光

武昌西山

查刻補錄原注以字名名訛行中人李憲措置下所

少四字是熙河口口韓林爲學士承旨下是吏字遂
基宗社之禍禍訛福拜尙書左丞下云居位財兩月
財訛材○方綱補注此詩墨蹟後題右武昌西山贈
鄧聖求一首

玉堂正對金鑾開

補原注楊侃職林金鑾殿因金鑾以爲名門與翰林
院相直故學士稱金鑾

送楊孟春

邵氏錄原注楊禮先禮訛體

趙令晏崔白大圖幅徑三丈

原注圖畫見聞志畫邵詵經

扶桑大繭如瓮盎

方綱補注宋袁質甫甕牖閑評東坡詩扶桑大繭如
瓮盎瓮字人多作去聲讀注云瓮於龍切然則此詩
瓮字須作平聲讀爲是

次韻張昌言給事省宿

邵氏錄原注不阿時好句下脫文云因歲饑爲神宗
言民苟免常平助役之苦反以得流亡爲幸語切直

驚人又救卹民饑句卹訛郡

次韻曾子開從駕二首

查氏補錄原注

在前詩三舍人條下

崇甯初奪職句下脫文云

居岳陽貶官置臨汀還潤而卒年六十一又惇卞惇

訛京左下是揆字喚字茂昭喚訛暖

送顧子敦奉使河朔

查刻錄原注後諸公餞子敦至指此事也原本無之

當是邵氏所增查氏沿之耳

次韻子由書李伯時所藏韓幹馬